

**ԵՐԿԳՈՒՅՆ-ԵՐԿԶԱՐԿ ՏԻԵՁԵՐՔԻ ՄԱՍԻՆ ԱՌԱՍՊԵԼԱՐԱՆԱԿԱՆ
ՊԱՏԿԵՐԱՅՈՒՄԸ ՀԱՅԿԱԿԱՆ ԼԵՌՆԱՇԷԱՐԶՈՒՄ**

Ս. Գ. ՊԵՏՐՈՍՅԱՆ

Նախնադարյան մարդու միտքը առասպելաբանության ոլորտը մղած հակադրամիասնությունների երկանդամ համակարգին բնորոշ էր զույգ նկատված իրերի և երևույթների մեջ որևէ հատկանիշի առկայության կամ բացակայության շեշտումը¹։ Հնդեվրոպական ժողովուրդների նախնիների առասպելաբանության մեջ այդ համակարգի երբեմնի գոյությամբ են պայմանավորված երկգույն-երկհարկ տիեզերքի (լուսավոր երկինք և խավար երկիր) պատկերացումները։ Չնայած հայկական առասպելաբանության մեջ եռահարկ տիեզերքի (երկինք, երկիր, ընդերք) մասին պատկերացումը ավելի հաճախ է հանդիպում, այսուհանդերձ երկգույն-երկհարկ տիեզերքի առավել նախնական պատկերացումը վերջինիս կողմից լրիվ դուրս չի մղվել։

Խոր հնադարից է գալիս նաև տիեզերքի լուսավոր և խավար երկու հարկերը (երկինք և երկիր) երկրի մակերևույթի լուսավոր և խավար գոտիների (հարավ և հյուսիս) հետ առասպելաբանորեն համադրելու երևույթը²։ Այսպիսի համադրումները փ վերջո հանգեցրել են մի կողմից «լուսավոր» (երկնային-հարավային), մյուս կողմից «խավար» (երկրային-հյուսիսային) հասկացությունների, այդ թվում և սպիտակ ու սև հիմնագույների հակադրմանը³։ Վերջին դեպքում իր վճռական դերն է խաղացել նաև հների պատկերացումը տարածության և գույնի անքակտելի կապի մասին⁴։

Սպիտակ և սև գույները հակադրամիասնությունների երկանդամ համակարգի մեջ մտնելու, այսինքն՝ պաշտամունքային ոլորտ մղվելու⁵ պատճառով էլ աշխարհի շատ ժողովուրդների լեզուներում դրանք նշող բառերը ենթարկվել են տարաբանության, Այս առթիվ հիշենք, որ հայերեն համապատասխան բառերը՝ սպիտակ և սեռ, ոչ թե բուն հայկական (հայերենի հնդեվրոպական միջուկին պատկանող), այլ իրանական փոխառյալ ձևեր են⁶։ Սպիտակ և սև են հայկական հեթանոսներում լույս և մութ աշխարհները խորհրդանշող զույգ այծերը։ Արցախյան մի հեթանոսական վիշապասպան կրտսեր եղ-

¹ Мифология и верования народов Восточной и Южной Азии, М., 1973, с. 157;
В. В. Иванов, В. Н. Топоров, Исследования в области славянских древностей, М., 1974, с. 259—305.

² Б. Л. Рифтин, Инь и Янь (Мифы народов мира, т. I, М., 1980, с. 547); Երկինք և Երես, Ба гуа (Мифы народов мира, т. I, с. 149); Из книг мудрецов. Проза Древнего Китая, М., 1987, с. 7.

³ С. Петросян, Древнейшие названия Черного моря, озер Урмия и Ван в свете мифологических представлений древних армян (ՀԽՍՀ ԳԱ կրթության հասարակական գիտությունների, 1986, № 4, էջ 53—64)։

⁴ В. Н. Топоров, Пространство и текст (Текст: семантика и структура, М., 1983, с. 245, прим. 33).

⁵ Հնդեվրոպական ժողովուրդների նախնիները սպիտակ գույնը համադրում էին նաև բարոյական անադարտության, իսկ սևը՝ արատավորության և տգիտության հետ (J. Dumezil, Les «trois fonctions» dans le Rig-Veda et les dieux indiens de Mitanni Académie Royale de Belgique. Bulletin de la Classe des Lettres et des Sciences Morales et Politiques. 5^e série. Paris, 1961, p. 265—296)։

⁶ Հ. Աճառյան, Հայերեն արմատական բառարան, հ. Դ, Երևան, 1979, էջ 195—196, 264—265.

բայրը ավագ եղբայրների դավերի հետևանքով մնում է խոր հորում: Իր ազատարարի ճակատագրով մտահոգված նրա հարսնացուն նրան խորհուրդ է տալիս. «...տու կըթյինաս էսհինչ տընդը մին ախպուր կա, մին սև էծ, մինգլել մին սիպտակ էծ միշտ կյամ ըն էտ ըխպըրան ճուր խմում, լոք կըտաս եր ինիս էտ սիպտակ էծին մաշկեն նստես, քեզ տուա ա ուննական լուս ախշարքը, իսկ վըբը շիլ ինգյիր սև էծին մաշկեն նստեցեր, տուա ա ուննական ավելի մթեն ախշարքը»⁷: Անկասկած, սպիտակ այծը խորհրդանշում է լույս աշխարհը (ուրեմն, նաև երկինքը և հարավը), իսկ սևը՝ մութ աշխարհը (նաև երկիրն ու հյուսիսը): Լույս և մութ աշխարհները խորհրդանշող զույգ այծերին կարելի է հանդիպել Հայկական լեռնաշխարհի մ. թ. ա. IV—III հազարամյակներով թվագրվող բազմաթիվ ժայռապատկերներում⁸: Գեղամա լեռների ժայռապատկերներում նրանք հաճախ հանդես են գալիս այնպիսի պատկերաշաների հետ, որոնք խորհրդանշում են մի կողմից արևն ու ցերեկային լույսը, իսկ մյուս կողմից՝ լուսինն ու գիշերային խավարը⁹: Այս առթիվ արժե հիշել նաև խեթերի ամպրոպի աստծու ուղեկից զույգ եզներին, որոնք կրում էին հակադրամիասնական «գիշեր» և «ցերեկ»¹⁰ (կամ «առավոտ» և «երեկո»)՝ նշանակող խուռիական անուններ:

Լեռների և եղջերավոր էակների առասպելաբանական նույնացման շնորհիվ, այսպիսի պատկերացումները տարածվել են նաև հակադրամիասնական ընկալված հարավային և հյուսիսային լեռների վրա: Այս տեսանկյունից ուշագրավ են Արևելյան (Հայկական) և Ներքին Տավրոսների տեղական հին անունները: Այս լեռնաշղթաներից առաջինը հնում կոչվում էր Յուլ¹², իսկ հյուսիսայինը՝ Պախրալ¹³: Վերջին երկու լեռնանունների հիմքում ընկած հայերեն համապատասխան բառերից ցուլ-ը հ.-ե. ծագմամբ բառ է¹⁴, իսկ պախրալ (նաև պախրէ): բառը¹⁵ դեռևս հուսարի ստուգաբանություն չունի: Վերջինիս զուգահեռ ձևեր համարվող սեմական տարրեր լեզուների բառերը սեման, բայց ձայնապես անհարմար են¹⁶: Պակաս ուշագրավ չեն Մոկքի երկու ամենաբարձր լեռների՝ Առնոս (հարավային) և Արաոս (հյուսիսային) անունները: Նախապես ասենք, որ այս զույգ լեռները կարող էին հակադրամիասնական ընկալվել հենց իրենց աշխարհագրական դիրքի պատճառով: Նույն այդ պատճառով սրանք հակադրամիասնական էին ընկալվելու նաև գունային տեսանկյունից (հիշենք հարավ-սպիտակ և հյուսիս-սև հակադրամիասնական շարքերը), որի մասին է, վարժես, վկայում «Արտոսա սար սև է, լի սըվտըկի» շատախյան առածը¹⁷: Երբ դրա հետ նկատի ենք առնում

7 Հայ ժողովրդական հեքիաթներ, հ. 7, Երևան, 1979, էջ 13:

8 Հ. Մարտիրոսյան, Գիտությունն սկսվում է նախնադարում, Երևան, 1978, էջ 190 (Գեղամա լեռներ, աղ. 127, նկ. 10):

9 Հ. Ա. Մարտիրոսյան, Հ. Ռ. Իսրայելյան, Գեղամա լեռների ժայռապատկերները (Հայաստանի հնագիտական հուշարձանները, հ. 6, Ժայռապատկերներ, պրակ. 2, Երևան, 1971, № 330):

10 A. Göze, Kle nasien (XIII-Jurgeschichte des Alten Orients, III. 1, München 1957 S. 140):

11 И. М. Дьяконов, Хуррито-урартский и восточнокавказские языки (Древний Восток, 3, Ереван, 1978, с. 32, прим. 19):

12 Փաւստոսի Բիւղանդացւոյ պատմութիւն հայոց, Երևան, 1987, էջ 62—63:

13 Հմմտ. այս նույն լեռնաշղթաների Տաւրոս անունները, երբ Ταύρος <հին հունարեն Ταύρος «ցուլ»:

14 Հ. Աճառյան, նշվ. աշխ., հ. 7, էջ 462:

15 Քերես, պախրալ բառն է առկա հնագույն Հայաստանի տարածքում խեթերի հիշատակած Paḫura և Paḫurina տեղանուններում: Վերջինս նաև լեռնանուն է (В. Н. Хачатрян, Восточные провинции Хеттской империи, Ереван, 1971, с. 116, 118, 120):

16 Հ. Աճառյան, նշվ. աշխ., հ. 7, էջ 7:

17 Ա. Տ. Ղանալյան, Առածանի, Երևան, 1960, էջ 85:

նաև սպիտակ-արական և սև-իգական հակադրամիասնական շարքերի գոյությունը¹⁸, ապա պարզ է դառնում, թե ինչու այդ լեռները կրում էին Առնոս և Արառոս անունները: Այլ կերպ ասած, այս լեռնանուններից առաջինի հիմքում ընկած է առն «վայրի արու ոչխար» բառը, փսկ երկրորդի հիմքում՝ արտի (նաև արտիկ) «վայրի էգ ոչխար» բառի արմատը¹⁹: Առն բառը սերում է հ.-հ. *ar- - արմատից, որից են ծագում նաև հ.-հ. մի շարք լեզուներում «արու», «այր», «խոյ», «ցուլ» նշանակող բազմաթիվ բառեր²⁰, իսկ Արառոս լեռնանվան և արտի (արտիկ) բառի հիմքում ընկած *արա-արմատը կարելի է հայերեն զարգացումն համարել հ.-հ. ալն էություն արմատի, որն ընկած է նաև հայկական Արտին (նաև Արտենի) լեռնանվան²¹, թրակյան Արտի («եղջերու») անձանվան և ալբաներեն Արտի «եղջերու»²² բառի հիմքում: Այս առթիվ հիշենք, որ հ.-հ. *dr- > հայ. արա-զարգացումը ևս հայերենում օրինաչափական է²³, ինքական արձանագրությունների տվյալներից կարելի է հանգել այն հետևությունը, որ Առնոս և Արառոս լեռնանունները հայերենում Արտի և Արառոս II հազարամյակում²⁴:

Հնագույն հայերի առասպելաբանության մեջ տիեզերքի երկու հարկերը և երկրի մակերևույթի երկու գոտիները իրենց գունային դրսևորումներն էին գտնում ոչ միայն սպիտակ ու սև այծերի կամ ոչխարների, այլև սպիտակ ու սև ջրերի (աղբյուրների, դետերի, լճերի, ծովերի) տեսքով: Այս տեսանկյունից հատկապես ուշագրավ է սպիտակ և սև ծովերի վերաբերյալ մինչև մեր դարասկիզբը պահպանված առասպելաբանական պատկերացումը²⁵, ընդ որում, անկասկած է, որ հնագույն հայերի կողմից սպիտակ ծովը համարվել է հարավային ծովի, իսկ սև ծովը՝ հյուսիսայինի հետ²⁶: Հակադրամիասնությունների երկամրում համակարգի գունային այսպիսի դրսևորման արգասիք պետք է լինեն նաև հայկական հեքիաթների սպիտակ և սև աղբյուրները՝ իրենց առնչվող լուսերես և սևերես անձնավորություններով: Լուռում գրի առնված մի հեքիաթում մարդ ու կին (երկակի հակադրամիասնություն) ունեն երկու դուստր, որոնցից մեկը բարի և գործունյա է, իսկ մյուսը չար է և ան-

¹⁸ В. И. Топоров, Семантика мифологических представлений о грибах (Balga-pica. Лингвистические исследования, М., 1979, с. 247—248).

¹⁹ Նոր բառգիրք հայկադեան լեզուի, հ. Ա, Երևան, 1979, էջ 307, 382, Լ. Աճառյան, Նշվ. աշխ., հ. Ա, Երևան, 1971, էջ 261, 343:

²⁰ Լ. Աճառյան, Նշվ. աշխ., հ. Ա, էջ 261:

²¹ Լ. Կարադյուզյանի կարծիքով նույն լեռնանունն է Արտին և տեսքով հիշատակված ուրարտական արձանագրություններից մեկում (Հայ ժողովրդի պատմության քրեստոմատիա, հ. 1, Երևան, 1931, էջ 93, ծան. 5): Արտիկ բառը կարելի է տեսնել Հայկական լեռնաշխարհի հարավում՝ Մուսասիրի և Խուրուշկիայի միջև, հիշատակված Արտիկ²² լեռնանվան մեջ (տե՛ս Н. В. Арутюнян, Топонимика Урарту, Ереван, 1985, с. 33):

²² В. И. Георгиев, Исследования по сравнительно-историческому языкознанию, М., 1958, с. 118, 120.

²³ Գ. Բ. Ահաբեկյան, Հայոց լեզվի պատմություն. նախագրային ժամանակաշրջան, Երևան, 1987, էջ 117, 118:

²⁴ Թ. Խ. Հակոբյան, Ստ. Տ. Մելիք-Բախչյան, Լ. Խ. Բարսեղյան, Հայաստանի և հարակից շրջանների տեղանունների բառարան, հ. 1, Երևան, 1986, էջ 330—331, 417, 505:

²⁵ Երվանդ Լալայան, Երկեր, հ. 1, Երևան, 1983, էջ 237: Աշխարհի շատ ժողովուրդների առասպելաբանական պատկերացումներում երկնային (վերին) կենարար շրջը հակադրվում էին երկրային (ստորին) մեռյալ շրջին [С. С. Аверинцев, Вода (Мифы народов мира, т. I, с. 240)]:

²⁶ С. Петросян, Древнейшие названия, с. 54—60.

բան (դարձյալ երկակի հակադրամիասնություն)²⁷։ Հոր սիրելի աղջիկը, հակադրամիասնությունների երկանդամ համակարգի համաձայն, բարին և աշխատասերն է, մոր սիրելին՝ չարն ու ծուլը։ Կախարդ պառավը սրանցից առաջինին ճասըմ ա.՝ Բալա ջան, ես քի շատ հավան կացա, դուն իմ ախիկն ես, իմ ընչկանից էլ շատ սիրեցի։ Ասըմ ա.՝ Հրետ ըտիան էրկու ջուր ա դալի, մինը սև ա, մինը սպիտակ, դուխըդ կոխե սպիտակ ջրի տակն ու անց կաց։ Դա որ տհե ա անըմ ու անց կենըմ հա, մազեյը դառնըմ են ոսկին²⁸։ Հերթը հասնում է երկրորդ (հորը և առաջին դստերը խորթ) քույր՝ չար անբանին։ Կախարդ պառավը սրան ճասըմ ա.՝ Դե արի ըստի։ Գնըմ ա խուշոր, ասըմ ա.՝ Հստիան էրկու ջուր ա գնըմ, մինը սպիտակ ա, մինը սև։ գլուխդ սպիտակի տակին չի դնես, սեի տակին կդնես։ Գալիս ա, գլուխը դնըմ սեի տակին, էնա հա, դրա էրեսը սեանըմ ա²⁹։

Հակադրամիասնությունների երկանդամ համակարգի գոնալիս նույնպիսի դրսևորման արգասիք պետք է լինեն նաև Եփրատի երկու մեծ վտակների հայկական անունները։ Դրանցից հարավային դիրք ունեցող Արեւելյան Եփրատը (այժմ՝ Մուրադ) հին հայերը կոչում էին Արածանի, փսկ հյուսիսային դիրք ունեցող Արեւմտյան Եփրատը (այժմ՝ Կարասու) կոչվում էր նաև Սև ցուր։ Հետաքրքիր է, որ միևնույն ալմատներից կազմված և, հավանաբար, նույնիմաստ անունների հանդիպում ենք նաև հին Մոսկի տարածքում։ Խոսքը Խարբերդի դաշտը ոռոգող զույգ գետակների Արծուրակ և Սև գետակ անունների մասին է («Սև գետակ կանցնի Ուլ-ովային, և Արծուրակ գետակը՝ Գուզովային»)՝³⁰։

Արածանի, սեպագր. Arsanla, հին հուն. Ἀρσανία, լատին. Arsanias, ասոր. Arsanla, Arzanla, պարս. Arsanās գետանվան³¹ գոյությունը արձանագրված է դեռևս մ. թ. ա. IX դ.։ Նրա առաջին բաղադրիչը հայերենում ներկայանում է երկու ա-երով, արած-, իսկ օտար ձևերում՝ մեկ ա-ով՝ արծ-։ Սա պետք է բացատրել կամ հայերենում համեմատաբար ուշ տեղի ունեցած *Արծանի > Արածանի անցումով (Արա-սկզբնամասով տեղանունների ազդեցությամբ. հմմտ. Արագած, Արած, Արախ, Արարատ), կամ, որն ավելի հավանական է, միևնույն գետանվան երկու՝ Արածանի և *Արծանի, տարբերակների գոյությամբ։ Այս գնալով պետք է ենթադրել, որ արած-ը ծագում է հ.-ե. միևնույն արմատի *arṣ- , իսկ արծ-ը՝ նրա *arṣ'- տարբերակից։ Վերջինիցս են սերում ինչպես հայերեն արծաթ, արծնել, արծարծել բառերի արմատները, այնպես էլ հուն. ἀργός, «փայլուն, սպիտակափայլ, սպիտակ», ἀργός «սպիտակությունից փայլող, ցոլուն», հին հնդկ. արյսո «սպիտակ», թուրք. արկալ «սպիտակ», լատին. argeus «լուսամիտ, իմաստուն» բառերը (հ.-ե. այս արմատից են սերում նաև ժառանգ լեզուներում «արծաթ» նշանակող բազմաթիվ բառեր)՝³²։ Հ.-ե. «արմատի նախնական իմաստն է, ուրեմն, «փայլ, ցոլք, լույս», որից՝ արծնել «փայլեցնել», արծարծել «վառել, այսինքն՝ նորից փայլեցնել»³³։ Այս արմատն է ընկած նաև ուրիշ մի շարք գետանունների հիմքում։ Դրանցից հատկապես ուշագրավ է վերոհիշյալ Ար-

²⁷ Նախնադարյան առասպելներից սկսած առասպելաբանական հակոտնյա զույգերը օժտված են նաև բարոյական հակադիր հատկանիշներով (Е. А. Костюхин, Типы и формы животного эпоса, М., 1987, с. 42)։

²⁸ Հայ ժողովրդական հեքիաթներ, հ. 8, Երևան, 1977, էջ 388։

²⁹ Նույն տեղում, էջ 389։

³⁰ Գ. Սրվան ձայն, Երկեր, հ. 2, Երևան, 1982, էջ 362։ Այս տեսանկյունից ուշագրավ է նաև Վանա լճի հնագույն հայկական անուններից մեկը, որը Ստրաբոնը բերում է Աթոսի տեսքով (Strabo, XI, 14, 8, XVI, 1, 21)։ Ըստ երևույթին, Արածանի և Արծուրակ գետանունների նման լճանվան հիմքում ևս ընկած է միևնույն արմատը։

³¹ Հ. Հյուբշման, Հին հայոց տեղայն անունները, Վիեննա, 1901, էջ 309։

³² Հ. Աճառյան, նշվ. աշխ., հ. Ա, էջ 317—319։

³³ Նույն տեղում, էջ 317—318։

ծնունդի գետանունը: Այստեղ արծ-արմատին կցված -ու- և -ակ վերջածանցները նույնպես հ.-ե. ծագում ունեն (հմմտ. մի կողմից՝ բլ-ուր, փշ-ուր, քափ-ուր և այլն, մյուս կողմից՝ անտառ-ակ, գալառ-ակ, քի-ակ և այլն)³⁴, Չնայած ուշ ավանդված լինելու իրողությանը, Արծնունդի գետանունը շատ հին է: Այդ է վկայում ինչպես Արծրունի նախարարական տոհմանվան հետ նրա ունեցած ծագումնաբանական կապը³⁵, այնպես էլ նրա արծ-բաղադրիչի պարունակած «փայլուն, լուսավոր, սպիտակավուն» նախնական իմաստը: Հմմտ. նաև հինբալկանյան Αἰσῶν (Aisōn), Ἀστυάσος (Astyasos), Ὀσδγῶς (Osdgōs) գետանունները, որոնք նույնպես բխեցվում են հ.-ե. *ar(e)՝ -արմատից³⁶, իսկ Արածանի գետանվան -անի բաղադրիչը կարելի է նույնացնել դարձյալ հ.-ե. ծագում ունեցող -ան և -ի վերջածանցներից բաղադրված -անի վերջածանցի հետ: Հմմտ. կենդ-անի, լեզու-անի, հով-անի, հով-անի, պիտ-անի³⁷: Հավանաբար, այս նույն վերջածանցն է -անէ տեսքով առկա հնագույն հայերեն *արտանէ «աղբյուր» բառում³⁸,

Այսպիսով, այս հակագրամիասնական զույգի առաջին անգամը՝ Արեւելյան Եփրատը, իր հարավային դիրքի պատճառով Հայկական լեռնաշխարհի հնագույն բնակչության կողմից ընկալվել է որպես հարավային (վերին) լուսավոր ջրերի առարկայացում և, ըստ այդմ, կրել Արածանի անունը: Զույգի երկրորդ անգամը՝ Արեւմտյան Եփրատը, իր հյուսիսային դիրքի պատճառով, համապատասխանաբար, ընկալվել է որպես հյուսիսային (ստորին) խավար ջրերի առարկայացում և, ըստ այդմ, կրել Սև ջուր անունը (ի դեպ, այս գետի զբոլոր հակառակ յուր անվան վճիռ է)³⁹, իսկ այդպես է, ապա Արեւմտյան Եփրատի մեզ հայտնի ամենահին անունը ևս պիտի պարունակեր նման մի իմաստ: Արեւմտյան Եփրատը խեթերին հայտնի էր Մալա անվամբ, իսկ ուրարտական արձանագրություններում նա (իր շարունակությունն համարված բուն Եփրատի հետ միասին) կոչվում էր Մեծ Մեղիայան գետ⁴⁰: Անտառակույս, երկու դեպքում էլ գործ ունենք գետի տեղական անվան տարբեր առաջացումների հետ: Վերոշարադրյալը նկատի առնելով, կարելի է եզրակացնել, որ դրանց երկուսի հիմքում էլ ընկած է մուգ գույները նշող հ.-ե. *mel- արմատը: Նույն այս արմատն է ընկած նաև հայերեն մեղձ (<ժեղ-ծ) ձանձախարիթ, մուր» (հմմտ. յովվամեղձ (ամրոտ)), հին հուն. μέλι, հին հնդկ. malinā, լատիշ. melns «սև» բառերի հիմքում⁴¹: Դրանցից անբաժան են հայկական Մեղ գետանունը Տարոնում, Մելա գետանունները Կապադովկիայում, Թրակիայում և հունական Բեովտիա ու Թեսալիա նահանգներում⁴²:

Անվածները հիմք են տալիս եզրակացնելու, որ մի կողմից Արեւելյան Եփրատի, իսկ մյուս կողմից Արեւմտյան Եփրատի ավազանների հակադրա-

34 Գ. Բ. Զահուկյան, նշվ. աշխ., էջ 235, 354, Հայոց լեզվի պատմական քերականություն, հ. 2, Երևան, 1975, էջ 81—82, 90:

35 Արծնունդ < Արծուր-ակ, իսկ Արծրունի < Արծուր-ունի: Մինչև վասպուրականում հաստատվելը Արծրունիները բնակվում էին Մոփքում (Н. Адонц, Армения в эпоху Юстиниана, Ереван, 1971, с. 415, прим. 1), որը ներառում էր նաև Արծուրակի գետահովիտը:

36 D. Detschew, Die thrakischen Sprachreste, Wien, 1977, S. 24; Б. Георгиев, նշվ. աշխ., էջ 119, 250:

37 Գ. Բ. Զահուկյան, նշվ. աշխ., էջ 231, 354:

38 Հեսիոդոսի *Արտան է բառի հիմքում, ըստ երևույթին, ընկած է հ.-ե. *dra-արմատը, որից սերում է նաև արտորալ (<արտ-որ-ալ) շշտապել, փութալ բառը:

39 Հ. Ս. Էփրիկյան, Պատկերազարդ բնաշխարհիկ բառարան, հ. Ա, Վենետիկ, 1903—1905, էջ 493:

40 Հայ ժողովրդի պատմության քրեատմատիա, հ. 1, էջ 60, 67, 71:

41 Հ. Ա. Զահուկյան, նշվ. աշխ., հ. Գ, Երևան, 1977, էջ 300:

42 Մեր Մեղ գետանվան «խավար», «սև» իմաստները պարունակելու օգտին է խոսում նաև անվանակիր գետի ներկայիս Կառասու («սև ջուր») քրթական անունը:

միասնական ընկալումների արտահայտություններ Արածանի (սեպագր. Aršana) և Սև ջուր (սեպագր. Mal., Melin-) անունները ստեղծվել են վաղրնջական ժամանակներից այդ գետերի ավազաններն⁴³ զբաղեցրած բնակչության լեզվամտածողության մեջ: Միևնույն ժամանակ, հիշյալ հին ու նոր դետառնությունների մեկնաբանություններն ու ստուգաբանությունները վկայում են, որ դրանց ծնած լեզվամտածողությունը եղել է հնդեվրոպական-հայկական: Եվ դա պատահական չէ, որովհետև այդ գետերի ավազանների հնագույն բնակիչները մ. թ. ա. XIV—XIII դդ. խեթական արձանագրություններից հայտնի հայաստադիական ցեղերն էին՝ հայերիս ուղղակի նախնիները թե՛ մարդաբանական, թե՛ լեզվաբանական, թե՛ մշակութաբանական տեսակետներից:

МИФОЛОГИЧЕСКОЕ ПРЕДСТАВЛЕНИЕ О ДВУХЭТАЖНО-ДВУХЦВЕТНОЙ ВСЕЛЕННОЙ И ЕГО ГОРИЗОНТАЛЬНОЕ ОТОБРАЖЕНИЕ НА АРМЯНСКОМ НАГОРЬЕ

С. Г. ПЕТРОСЯН

Р е з ю м е

Представление о двуединстве противоположенных явлений лежало в основе многих мифологических построений. Например, в мифологических представлениях древних армян горы юга (т. е. светлой стороны света) сопоставлялись с рогатыми самцами (т. е. с «верхними-светлыми» животными), а горы севера (т. е. темной стороны света) — с их самками (т. е. с «нижними-темными» животными).

Одновременно известно, что воды юга сопоставлялись с «верхними-светлыми» водами, а воды севера — с «нижними-темными» водами. Не случайно, что потамонымы *Арацани* (Արածանի, Восточный Евфрат) и Сев джур (Սև ջուր, Западный Евфрат) также являются антонимами, так как бассейн первого когда-то входил в состав южной (светлой) половины хайаса-азийского двуединого союза племен, а бассейн второго — в состав северной (темной) его половины. Потамоним *Арацани* (клинопис. Aršana) означает «блестящий, беловатый» и происходит от и.-е. *ag(ə) gʷ-: а потамоним *Сев джур* дословно означает «черная вода» (ср. клинописи. назв. той же реки — Mala, Melia — <*mel-). Этимология и этимология этих потамонимов также говорят в пользу того, что хайасский (в бассейне Арацани) и азийский (в бассейне Сев джур) этносы действительно являлись порождением как одной и той же историко-географической, так и одной и той же этноязыковой (протоармянской) среды.

⁴³ Հնագույն ժամանակներում, ինչպես ենթադրվում է, Արևելյան եփրատի ավազանը զբաղեցնում էր Հայաստան-Ադի երկմիասնական ցեղամիության հարավային կեսը՝ Հայաստան, իսկ Արևմտյան եփրատի ավազանը՝ նրա հյուսիսային կեսը՝ Ադին [Խե՛ս Սարգիս Սարգիս Սարգիս, *Племенной союз Хайаса—Аззи в системе двойных противопоставлений (ՀնժՀ ԳԱ Լրագրի հասարակական գիտությունների, 1987, № 3, էջ 77—87)]:*